

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1635

16.05.2016թվ.

ՀՀ ոստիկանության պետ,
զեներալ-լեյտենանտ
պարոն՝ Վ. Գասպարյանին


Հարգելի պարոն Գասպարյան,

Դիտորդական խումբը սույն թվականի մայիսի 12-ին այցելություն կատարելով ՀՀ ոստիկանության Տավուշի ՄՎ Նոյեմբերյանի բաժնի ՁՊՎ, արձանագրել է, որ որոշ ձեռքակալվածներ՝ Գ.Գ-ն, ով ձեռքակալվել էր 25.01.2016թ-ին և Ա.Ո-ն, ով ձեռքակալվել էր 26.04.2016թ-ին ՁՊՎ-ից ազատ են արձակվել դատավորի որոշման հիման վրա, որտեղ պարզապես դատավորը մերժել է դատախազի միջնորդությունը տվյալ ձեռքակալվածներին կալանավորելու վերաբերյալ:


Փաստենք, որ դատավորի տվյալ որոշումները հիմք չեին կարող հանդիսանալ ՁՊՎ-ի վարչակազմի համար նշված անձանց ազատ արձակելու, որովհետև դատարանը մերժել է նրանց նկատմամբ խափանման միջոց կիրառելու հարցը, իսկ տվյալ ձեռքակալվածներին ազատ արձակելու որոշումը պետք է իրականացնել վարույթն իրականացնող մարմինը:

Այսպիսով՝ խնդրում ենք ուսումնասիրել ներկայացրածը և տալ մեկնաբանություն:

Հարգանքներով՝



ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N 212-1- 2105

<< 09 >> 06 2016թ.

Ձեր 16.05.2016թ. թիվ 2621/1635 գր.

<< ոստիկանության համակարգի ձերբակալվածներին պահելու վայրերում վերահսկողություն իրականացնող հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ մայիսի 12-ին ոստիկանության Տավուշի մարզային վարչության Նոյեմբերյանի բաժնի ՁՊՎ կատարած այցելության ընթացքում արձանագրված հանգամանքն ուսումնասիրվել է << ոստիկանության շտաբում, իսկ Տավուշի մարզային վարչության կողմից կատարվել է ստուգում, որի արդյունքով տրվում է ներքոշարադրյալ մեկնաբանությունը:

Ձերբակալվածներ՝ Պ.Գ.-ն (այլ ոչ թե Գ.Գ.-Ն) և Ա.Ո.-ն համապատասխանաբար 27.01.2016թ. և 29.04.2016թ. ՁՊՎ-ից տեղափոխվել են Տավուշի մարզի ընդհանուր իրավասության դատարան՝ կալանավորումը որպես խափանման միջոց կիրառելու միջնորդությունը քննության առնելու համար:

Դատարանի կողմից Պ.Գ.-ի և Ա.Ո.-ի նկատմամբ խափանման միջոց՝ կալանք կիրառելու դատախազի միջնորդությունը մերժվել է և վերջիններս դատարանի դահլիճից վարույթն իրականացնող մարմնի կողմից ազատ են արձակվել:

Նշված ձերբակալվածներին ազատ արձակելու վերաբերյալ որոշում չկայացնելու համար դիտորդների խմբին խորհուրդ է տրվում դիմել Տավուշի մարզային դատախազություն:

Միաժամանակ տեղեկացվում է, որ տվյալ դեպքում ձերբակալված անձանց իրավունքները չեն խախտվել:

<< ոստիկանության շտաբ